

Святителя Сѣмона, епископа Владимѣрскаго и Сѣздальскаго (23 мая н.ст.)

ВѢЧЕР

Блажен муж: 1-й антифон. На Господи, возвах: стихиры глас 5.

Радуйся, церковное украшение,/ святительская доброто,/ отче
священнейший, пастырю добрый,/ иже Пастыреначальника Иисуса от
юности своея возлюбив,/ всею душею Тому присно поработал еси,/ нас,
страстми порабощенных, от души тебе припадающих,/ на первую
свободу приведи молитвами твоими.

Радуйся, любителю Христа, Господа своего, теплейший,/ Симоне
досточудне,/ иже теплотою духовныхъ благодати/ зельне в любовь Божию
распався,/ вся красная мира сего презрел еси/ и ум свой в послушание
Христово пленил еси,/ темже ныне, яко свободъ, в свободныхъ живый
местех,/ наша умы, вражиими прилоги плененныя,/ свободи, отче
блаженне,/ и твоимъ к Богу ходатайствомъ от бед избави,/ молимся, отче,
память твою почитающе.

Молвами жития сего одержимых/ и на пути страстей заблуждающих,/ Симоне,
святителю премудрейший,/ твоимъ мудрымъ учениемъ наставляя и
вразумляя,/ привел еси на спасения стезю,/ быв темъ руководитель к
высоте Небесней,/ идеже и сам ныне со Ангелы водворяясь,/ настави
твоимъ невидимымъ управлениемъ/ в живот и спасение души наша.

Слава, глас 6:

Скорый языкъ твой ко учению/ ленивыхъ сердца и ныне возставляет/ и
призываетъ к деланию заповедей Господнихъ;/ пастырская же свирель твоя
возглашаетъ боговещанная словеса,/ имиже, яко лестницею, слышащии
возносятся/ и Богу присвоятся,/ темже Симоне, отче преподобне,/ яко
имый дерзновение ко Христу Богу,/ не престаи моляся,/ да просветимся
светомъ разума и благихъ деяний,/ любвию чтущий святую память твою.

И ныне, Богородичен:

Вход. Прокимен дне.

Притчей чтение (главы 10, 3 и 8):

Память праведнаго с похвалами, и благословение Господне на главе
его./ Блажен человек, иже обрете премудрость, и смертен, иже уведет
разум./ Лучше бо сию куповати, нежели злата и сребра сокровища./

Честнѣйшая же есть ка́меній многоцѣнных,/ всё же честное недостойно
ея есть./ Долготá бо дней и лѣта живота в деснице ея,/ в шуице же ея
богáтство и слáва./ От уст ея исходит правда, закон же и мѣлость на язѣще
нóсит./ Послушайте ўбо мене, о ча́да, честна́я бо ре́ку,/ и блаже́н человек,
иже пу́ти моя́ сохранит:/ исходи́ бо мой, исходи́ живота́, и уготовляется
хотѣние от Го́спода./ Сего́ ра́ди молю́ вас и предлагаю́ мой глас сыновом
человѣческим,/ я́ко аз, премудро́сть, устро́их совет/ и ра́зум, и смы́сл аз
призва́х./ Мой совет и утвержде́ние, мой ра́зум, моя́ же кре́пость./ Аз мене́
лю́бящия люблю́, ищущи́и же мене́ обрящут благода́ть./ Разуме́йте ўбо,
незло́бивии, кова́рство, ненака́занныи же, прилага́йте серде́ц./
Послушайте мене́ и па́ки, честна́я бо ре́ку,/ и отве́рзу от устѣн пра́вая, я́ко
и́стине поучи́тся гортáнь моя́,/ ме́рзки же предó мною́ устны́ лжи́выя./ С
пра́вдою вси глаго́лы уст мои́х:/ ничто́же в них стрóпотно, ниже́
развращѣ́нно./ Вся пра́ва суть разумева́ющим и прóста обрета́ющим
ра́зум./ Научаю́ бо вас и́стине,/ да бу́дет о Го́споде наде́жда ва́ша,/ и
испо́лнитеся Ду́ха.

Прѣтчей чтѣние (гла́вы 10 и 11):

Уста́ пра́веднаго ка́плют премудро́сть, язы́к же непра́веднаго
поги́бнет./ Устне́ мужей пра́ведных ка́плют благода́ти, уста́ же
нечестѣ́вых развраща́ются./ Ме́рила льсти́вая – ме́рзость пред Го́сподем,
вес же пра́ведный приятен Ему́./ Иде́же а́ще вни́дет досаждѣ́ние, та́мо и
безче́стие,/ уста́ же смире́нных поуча́ются премудро́сти./ Соверше́ние
пра́вых наста́вит их, и поползнове́ние отрица́ющихсѧ упасѣ́т их./ Не
по́льзуют и́мения в день я́рости, пра́вда же изба́вит от сме́рти./ Умер
пра́ведный, оста́ви раская́ние, на́ручна́ же быва́ет и посмея́тельна
нечестѣ́вых па́губа./ Пра́вда непоро́чнаго исправля́ет пу́ти, в нече́стие же
па́дает непра́вда./ Пра́вда мужей пра́вых изба́вит их, безсо́ветием же
плена́ются беззакóннии./ Сконча́вшусѧ му́жу пра́ведну, не поги́бнет
наде́жда,/ похвала́ же нечестѣ́вых поги́бнет./ Пра́ведник от ло́ва убе́гнет,
вме́сто же его́ преда́ется нечестѣ́вый./ Во усте́х нечестѣ́вых сеть
гра́жданом, чу́ство же пра́ведных благопоспѣ́шное./ Во благо́х
пра́ведных испра́вится град, и в поги́бели нечестѣ́вых ра́дование./ Во
благослове́нии пра́вых возвы́сится град, усты́ же нечестѣ́вых
раскопа́ется./ Руга́ется гра́жданом лише́нный ра́зума,/ муж же му́дрый
безмо́лвие во́дит.

Премудрости Соломони чтение (глава 4):

Праведник аще постигнет скончаться, в покои будет./ Старость бо честна не многолетна, ниже в числе лет исчитается./ седина же есть мудрость человеком, и возраст старости — житие нескверное./ Благоугоден Богу быв, возлюблен бысть и живой посреде грешник представлен бысть./ Восхищен бысть, да не злоба изменит разума его, или леть прельстит душу его./ Рачение бо злобы помрачает добрая и парение похоти пременяет ум незлобив./ Скончався в мале, исполни лета долга./ угодна бо бе Господеви душа его./ сего ради потщася от среды лукавствия./ Люди же видевше, и не разумевше./ ниже положше в помышлении таковое./ яко благодать и милость в преподобных Его/ и посещение во избранных Его.

На стиховне стихиры глас 1.

Словесную трубу богословия/ и добродетелей чистое зеркало./ яко тайника благодати./ сошедшеся днесь, песньми тя восхваляем./ Симоне священнейший, и молимся./ молися Христу Богу/ даровати душам нашим мир и велию милость.

Стих: Священницы Твой облекутся в правду,/ и преподобнии Твой возрадуются.

От света умного приемь, блаженне, озарение./ яко светлое светило./ был еси посреде постнического лика./ от негоже, избранием свыше./ святительскому вручен престолу./ был еси добр пастырь словесных овец Христа Бога./ Ему же ныне предстоя./ молися даровати душам нашим/ мир и велию милость.

Стих: Уста праведнаго поучатся премудрости,/ и язык его возглаголет суд.

Лестницу к Небеси умную/ многими трудами твоими обрет, святителю блаженне./ возшел еси к незаходимому Свету/ и с первоначальники твоими живещи, радуясь./ с нимиже и о нас молися./ яко да сподобимся в жизни вечней/ с тобою и со всеми святыми спребывания.

Слава, глас 2:

Светлаго жития твоего образ./ священнейший Симоне./ многия на добродетели исправи./ река же спасительнаго учения твоего/ души, унынием содержимыя, к бодрости подвиге/ и ленивыя к богохвалению возстави./ тем твою всечестную память почитаяще./ припадаем и

мо́лимся,/ я́ко да твои́м наставля́нием жизнь на́шу в ми́ре испра́вим/ и
при́йдем от Христа́ Бо́га ве́лию ми́лость.

И ны́не, Богоро́дичен:

Спаси́ от бед рабы́ Тво́я, Богоро́дице,/ я́ко вси по Бо́зе к Тебе́
прибега́ем,/ я́ко неруши́мей стене́ и предста́тельству.

Тропа́рь, глас 1:

Жити́й преподо́бных оте́ц Пече́рских списа́телю извѣстный,/
святите́лю Христо́в Си́моне всеблаже́нне,/ моли́ся приле́жно с ни́ми
Христу́ Бо́гу,/ да у́правит в ми́ре живо́т наш/ и в кнѣ́ги живо́тныя да
напи́шет ны,/ спаса́я ду́ши на́ша.

Сла́ва, и ны́не, Богоро́дичен.

НА УТРЕНИ

На Бог Го́сподь: тропа́рь святите́лю два́жды. Сла́ва, и
ны́не, Богоро́дичен.

По 1-м стихослóвии седа́лен, глас 4.

Я́ко златотка́нною порфи́рою,/ правосла́вным твои́м учéнием Цѣ́рковь
Влади́мирская обложѣ́ся,/ ли́цы же ино́чествующих наставля́нием твои́м
красу́ются,/ Трои́цу Святую́ во Еди́ном Суще́ствѣ, о тебѣ́, иерар́ше
Си́моне, вѣ́ну прославля́юще.

Сла́ва, и ны́не, Богоро́дичен:

Пречи́стая Де́во, Ма́ти Бо́жия,/ нас, прибега́ющих к Тво́ей бла́гости и
и́щущих ско́раго Твоего́ заступле́ния, не прѣ́зри,/ но, прекло́ньшися на
ми́лость, в ну́ждах на́ших помози́/ и изба́ви от бед ду́ши на́ша.

По 2-м стихослóвии седа́лен, глас 3.

Мы́сленное сокрови́ще от первонача́льных оте́ц на́ших прие́м,/ о́тче
преподо́бне Си́моне, святите́лю премудре́йший,/ во стотру́дныя тала́нты
си́е умно́жил еси́/ и по тебѣ́ прише́дшим неоску́дно оста́вил еси́,/ сам же,
я́ко благи́й раб, вшел еси́ в ра́дость Го́спода своего́,/ ея́же и нас, хвала́ми
па́мять твою́ почита́ющих, моли́твами твои́ми сподо́би.

Сла́ва, и ны́не, Богоро́дичен:

Вруче́нныя нам от Бо́га тала́нты ле́ностию погуби́хом/ и стыди́мся
тщи яви́тися Го́споду своему́./ К Тебѣ́ прибега́ем, Влади́чице:/ даждь поне́

едіну цātu от неоскúднаго сокрóвища мѣлости Твоея,/ да не постыдѣмся
в день стрáшнаго испытáния,/ и Тя, Приснодѣву, хвалáми непрестáнно
величáем.

По полиелѣи седáлен, глас 5.

Мúдраго святѣтеля и пáстыря неусы́пна,/ житѣй святѣхъ списáтеля
вѣрна и ревнѣтеля техъ благочѣстна,/ Сѣмона свящѣннейшаго в пѣсняхъ,
лю́дие, ублажѣм:/ той бо ны́не, в Вѣшнихъ предсто́я Престо́лу Влады́чню,/
чѣсте зрит Свет непрѣстúпный/ и мо́лится непрестáнно о любóвию пáмять
его́ пою́щих/ и Христа́ Бо́га прославля́ющих.

Сла́ва, и ны́не, Богоро́дичен:

Сло́ва, Отцú Собезначáльнаго, Мáти сýщи,/ грѣшныхъ скóрая
Помóщнице и Застúпнице в бедáхъ сýщим,/ прострѣ пречѣстыя длáни,/
ѣмиже Безлѣтнаго, в лѣто Младѣнца явльшася, носѣла есѣ,/ и умоли́ о насъ,
многогрѣшныхъ, Того́ благасть,/ да избáвимся от находя́щихъ нуждъ и
печа́лей,/ я́ко да прѣсно непорóчное рождество́ Твое́ величáем.

Степѣнна, 1-й антифóн, 4-го глáса. **Прокѣмен: глас 4: Уста́ моя
возглаго́лют премúдрость,/ и поучѣние сѣрдца́ моего́
разумъ.** Стих: Свящѣнницы Твоѣ облеку́тся в правду,/ и преподо́бнии Твоѣ
возра́дуются. Всякое дыха́ние: Ева́нгелие от Иоáнна, зачáло 36.

По 50-м псалмѣ стихѣра, глас 6:

Труды́ дея́ний твоѣхъ, преподо́бне о́тче,/ во о́бразъ ѣночествующимъ
бѣша./ Кто бо ви́де безмѣрное твоѣ смире́ние/ и в житѣй своѣмъ не
исправѣся?/ Или́ кто, ви́дев безро́потное твоѣ послуша́ние,/ терпеливодúшию
твоѣмú не удиви́ся?/ Всехъ собо́ю научѣл есѣ,/ но и по
отшѣствии твоѣмъ уча́ не престаѣши,/ вразумля́я и наставля́я тѣхимъ
наказáнием./ Тѣмже я́ко пáстыря ты, и учѣтеля,/ и преподо́бнымъ
единовсѣльника,/ чтúще пáмять твою́, ублажа́ем.

Канóн Богоро́дицы со ирмосóм на 6 и святѣтеля на 6. Глас 8.

Песнь 1

Ирмо́с: Колесни́цего́нителя́ фарао́ня погрузи́/ чудотвори́й иногда́/
Моисѣ́йский жезлъ, крестоо́бразно порази́в/ и раздели́в мо́ре,/ Изра́иля же
беглеца́, пешехо́дца спасе́,/ песнь Бо́гови воспева́ющая.

Добродѣтели святѣтеля Твоего́ хвалáми воспѣти,/ áки мо́ре течѣниемъ
преплы́ти;/ устремля́ющаяся мя упрáви, Христѣ́, молю́ся,/ и, ум от бúрныхъ

житія сего́ по́мыслов утішив,/ спасі, песнь Тебе́, Бо́гу моему́,
воспева́юща.

Груб сый и несмы́слен, но любóвию к тебе́ влекóм,/ дерза́ю па́мять твою́, Сі́моне, иерáрше Христóв, восхвалі́ти,/ ты же мо́литвами тво́ими мне посóбствуй/ и наста́ви мя ны́не о тебе́ Влады́це моему́ песнь Бо́гу воепева́ти.

Жити́е твоё, преподо́бне, чту́ще, кто не почуді́тся,/ ві́дя ре́вность твою́ к подража́нию пе́рвым отце́м Пече́рским?/ Те́мже и аз, удивля́ясь, смире́нно о тебе́ Бо́гу моему́ пе́ние возсыла́ю.

Приём а́нгельский о́браз в благоле́пной Пече́рской Ла́вре,/ прия́л еси́ и а́нгельское жити́е,/ послéдуя Анто́нию Вели́кому и Феодо́сию чу́дному,/ с ни́миже ны́не живы́й, ра́дуешися, непреста́нно песнь Бо́гу воспева́я.

Богоро́дичен: Премени́х о́браз, но дел мо́их не премени́х, Ма́ти Бо́жия,/ благода́тию из Тебе́ Ро́ждшагося спа́сшая род челове́ческий,/ по благода́ти Твоёй спасі́ мя,/ о Тебе́, Влады́чице моёй, пе́ние Бо́гу возсыла́юща.

Песнь 3

Ирмо́с: *Небе́снаго кру́га Верхотво́рче, Го́споди,/ и Це́ркве Зижді́телю,/ Ты мене́ утверди́ в любви́ Твоёй,/ желáний кра́ю, ве́рных утвержде́ние,/ Еди́не Человеколю́бче.*

А́ки звёзды небе́сныя, просия́ша добродéтели тво́я, óтче,/ ихже лучáми и нас озари́, во тьме страсте́й ходя́щих,/ да о тебе́ небе́снаго кру́га Творцу́ воспоём:/ сла́ва Ти, Еди́не Человеколю́бче.

Свёта невече́рняго хотя́ прича́стник бы́ти,/ ми́ра тлénных удали́лся еси́/ и, а́нгельский о́браз восприе́мь, а́нгельски приноси́л еси́ Бо́гу хвалéние, зовы́й:/ сла́ва Ти, Еди́не Человеколю́бче.

Просия́вшим вели́ким отцем — Анто́нию и Феодосию Пече́рским — ревну́я,/ аки светлая звезда, просия́л еси́ в жизни сей, преподобіе, смире́нием и чистото́ю./ Имже удивля́ющеся, поем:/ сла́ва Тебе, Еди́не Человеколю́бче.

Послуша́ние твоё, блаже́нне, бысть, а́ки зерка́ло, посреде́ собо́ра бра́тий,/ и сим наипа́че прибли́жился еси́ бы́вшему послушли́ву да́же до сме́рти Иису́су./ Ему́же ны́не живёши посреде́ гра́ждан Небе́сных и поёши:/ сла́ва Ти, Еди́не Человеколю́бче.

Богорóдичен: За́поведи Го́спода моего́ слы́шу, но та преслу́шаю;/ Ты же, Чи́стая Де́во, ре́кшая: се Раба́ Господня́, —/ сотвори́ мя раба́ послушли́ва,/ да сла́влю Тя, Еди́ну Человеколю́бвую Ма́терь.

Седáлен, глас 8:

Лéствицу добродéтелей обрét,/ возшéл еси́ на гóру безстра́стия/ и, узрév прéлесть мíра сегó,/ любостра́стного ца́рствия, во мгновéнии óка преходя́щего, отрéклся еси́,/ ни миродéржцу, но Еди́ному Царю́ веко́в поклонíлся еси́,/ тем ты пéсньми почита́ем, Сíмоне, óтче преблаже́нне.

Сла́ва, и ны́не, Богорóдичен:

Я́ко спасéния наде́жду и Помóщницу в ну́ждах имúще Тя, Богоневéстная Де́во,/ вра́жиих нахожде́ний не убой́мся,/ но о Тебе́ дерза́ем,/ Ты бо еси́ крéпость на́ша и утвержде́ние.

Песнь 4

Ирмо́с: Ты моя́ крéпость, Го́споди,/ Ты моя́ и си́ла,/ Ты моё́ Бог, Ты моё́ ра́дование,/ не оста́вь нéдра О́тца/ и на́шу нищету́ посетíв./ Тем с проро́ком Авваку́мом зову́ Ти:/ си́ле Твое́й сла́ва, Человеколю́бче.

Ты, преподо́бне, вéдением и дея́нием к свéту мýсленному́ прибли́жився,/ свéтел жити́ем показáлся еси́,/ ýмже мно́зи наставля́еми, сла́вляху Бо́га, глаго́люще:/ си́ле Твое́й сла́ва, Человеколю́бче.

Слух дея́ний твои́х, óтче, прóйде в разли́чныя страны́,/ и мно́зи жела́ху тя предводíтеля и наста́вника себе́ имéти,/ я́ко да, наста́вльшеся тобо́ю, просла́вят О́тца Небе́снаго,/ Ё́же просла́ви тя сицевóю благода́тию.

Па́че инéх Цéрковь Влади́мирская ускори́ призва́ти тя, блаже́нне,/ я́ко да ю, мятя́щуюся, твои́м пришéстviем возвесели́ши/ и упасéши жезло́м твоего́ правлéния.

Предсрета́ют тя и сýждальстии гра́ждане,/ ли́ки духо́вных пéсней составля́ющее и, ра́дующеся, возво́дят на престóл архиерéйский,/ наньже возше́д, был еси́ тому́ до́брый па́стырь.

Богорóдичен: До́браго Па́стыря сýщи Ма́ти,/ словéсныя Твоя́ óвцы, мýсленным во́лком распу́женныя, собери́/ и Сама́, Влади́чице, нас упаси́,/ да нектому́ а́дский волк дерза́ет ста́ду Твоему́ прибли́житься.

Песнь 5

Ирмос: *Вскую мя отринул еси/ от лица Твоего, Свете Незаходимый,/ и покрыла мя есть чуждая тьма, окайннаго?/ Но обрати мя и к свету заповедей Твоих/ пути моя направи, молюся.*

Тебе, Симоне, якоже оному любимому ученику Своему Симону,/ вручил есть пастырей Начальник Иисус овц паству,/ юже приемь, добре наставил еси к высоте Небесней;/ к нейже и моя пути направи, молются.

От юности возлюбил еси всех Владыку,/ от Негоже за любовное воздаяние принял еси честною Его Кровию искупленные овцы пастей./ Тогожде Владыки овча и аз есмь,/ воззри на мя, святителю Симоне,/ и пути моя направи, молются.

Пастырская свирель учений твоих, отче, увеселяше словесныя овцы,/ и некому предпочитаху тленные пищи, духовным питающееся злагом;/ алчуща мя твоим учением напитаи/ и пути моя направи, молются.

Жезлом правления добре управлял еси врученное тебе стадо,/ образ тем себе самого подавая,/ егоже, отчасти написанный, и аз чту, но не могу тому ревновати./ Ты, пастырю добрый, да буду подражатель того,/ пути моя направи молитвами твоими.

Богородичен: Онебесившая земнородных существо/ пресвятым Рождеством Твоим, Дево Марие,/ ум наш, по земных суетствиях плещущ³⁴, возведи к Горним,/ и к исканию оных, молимся, пути наша направи.

Песнь 6

Ирмос: *Очисти мя, Спасе,/ многа бо беззакония моя,/ и из глубины зол возведи, молюся,/ к Тебе бо возопих, и услыши мя,/ Боже спасения моего.*

Благодатию Духа Святаго освящен,/ яко священнотайник верен, Престолу Божию на земли, Симоне,/ в преподобии и правде послужил еси,/ тебе ныне, с верными рабы в радости Господа твоего живущу, молюся:/ буди ми молитвенник к Богу о спасении моем.

Сугубаго звания, святителю,/ яко сугубыя на ся труды приемый, сподобился еси:/ пастырским бо прилежанием делом, иноческих подвигов никогдаже оставлял еси;/ темже в почете сугубей ныне живый, моли о мне,/ да не лишусь спасения моего.

Прісно помина́я, преподо́бне, отце́в Пече́рских труды́,/ навѣ́кл еси́ тем подража́ти,/ ѿмже купнонра́вен и единому́др показався,/ препосла́лся еси́ от ху́ждшаго к лу́чшему,/ я́ко да сугу́бым украси́шися венце́м.

Де́янием Господ́них за́поведей умертви́л еси́ плоть твою́,/ но благода́тию Бо́жиею оживи́л еси́ ду́шу твою́./ Ве́дением же духо́вную ле́ствицу обрѣ́т,/ востѣ́кл еси́ возвыше́нием у́мным к Бо́гу,/ Емуже́ предсто́я, моли́ся о пою́щих тя, Сѣ́моне блаже́нне.

Богоро́дичен: Де́яние ле́ностию,/ ве́дение же омраче́нием страсте́й погуби́х,/ и ни еди́наго же не имый, сугу́баго бою́ся осужде́ния,/ оба́че к Тебе́, Богороди́тельнице, прибега́ю,/ я́ко си́льна и многомо́щна, обо́я испра́ви/ и бу́ди Помо́щница спасе́ния моего́.

Конда́к, глас 2:

Святи́тельства оде́ждою,/ а́ще и досто́йне оде́ялся еси́,/ оба́че тем не возно́сяся,/ желал еси́ па́че сме́тием³⁵ пред враты́ Ла́вры Пече́рския поврещи́ся,/ смиренному́дре Сѣ́моне./ Те́мже, не а́ки сме́тие, врат вне́,/ но, я́ко сокро́вище, внутре́ святы́я пеще́ры положѣ́н бы́ти сподо́бился еси́,/ и ны́не на Небеси́ Го́сподеви предсто́я,/ моли́ся о нас, чту́щих тя.

Песнь 7

Ирмо́с: Бо́жия снизхожде́ния/ огонь устыде́ся в Вавило́не иногда́,/ сего́ ра́ди о́троцы в пещи́, ра́дованною ного́ю,/ я́ко во цвѣ́тнице, ликую́ще, по́яху:/ благослове́н еси́, Бо́же оте́ц на́ших.

Бо́жия благода́ть де́йствоваше в тебе́, святителю́,/ исхожда́ху бо вѣ́ну от уст твои́х стру́и святы́х учѣ́ний,/ напая́ющия серде́ца лѣ́нвых,/ ѿже твои́м окроплѣ́нием произне́ше добродѣ́телей пло́ды, зва́ху:/ благослове́н Бог оте́ц на́ших.

Се́ял еси́ се́мя сло́ва Бо́жия в вертогра́де па́ствы свое́я,/ насажда́я крин чистоты́, а́ки стеблѣ́³⁶ Лива́нове,/ моли́тву, милосѣ́рдие к бли́жним, а́ки ма́слину,/ а́ки кипари́с, помышле́ния вѣ́ну о Бо́зе:/ я́же бо сам твори́л еси́,/ сия́ и ѿнех на́казовал еси́ твори́ти.

До́бре написав на скрижа́лех се́рдца твоего́ добродѣ́тели оте́ц Пече́рских,/ не скры́л еси́ тех под спудом житѣ́йския молвы́, о́тче,/ но, ре́вностию дви́жим,/ весь ум свой обрати́л еси́ о́ных жити́я на по́льзу ѿнем написати́,/ я́же и мы чту́ще, зове́м:/ благослове́н Бог оте́ц на́ших.

Аки разумная пчела мысленныя цветы, жития преподобных собрав,/ подал еси та, аки сот сладкий, по тебе живущим,/ имиже мы услаждающе души наша, с тобою, Симоне, поем:/ благословен Бог отец наших.

Богородичен: Страстного вкусив сота, имам сердце и устне, горести исполнены;/ Ты, Владычице, Сладчайшаго рождающая Иисуса,/ благодатию Твоею улади душу мою, да воспую:/ радуйся, сладости святых Служительнице/ и благословение отец наших.

Песнь 8

Ирмос: Седмерицею пещь/ халдейский мучитель/ Богочестивым неистовно разжжэ,/ силою же лучшею спасены, сия виде,/
Творцу и Избавителю вопияше:/ отроцы, благословите,/ священницы, воспойте,/ людие, превозносите во вся веки.

Седмоглавного змия седмицею дарований духовных стерл еси главу, отче,/ и, уязвлен, трепещет до ныне имени твоего,/ еже в нынешний день мы поминающе, о тебе зовем:/ людие, превозносите Христа во веки.

Любовию к Пречистой Божией Матери и отцем Печерским мнелся еси отстояти телом токмо,/ духом же пребывал еси с ними и подражал житию их,/ тем любовию твоею посетить нас и моли,/ да превозносим Христа во веки.

Поистине, якоже Симон любитель Самого Христа бысть теплейший,/ тако и ты, Симоне иерарше, к Богородице и Ея обители показался еси усердный ревнитель/ и ихже любил еси, с теми ныне живёши во веки.

Славу и честь свою с уметами Печерскаго монастыря не сравняя, желал еси, отче:/ лучше тебе один день аки смею в дому тамо Божия Матере приметаться,/ нежели тысящу лет славим быти на престоле./ О, чудного твоего смирения,/ тем ублажаем тя во веки.

Богородичен: Твоим пособием, Чистая, приидох к сопребыванию отец Печерских,/ но от невнимания зрением вспять уклонихся,/ и влечёт мя враг в мир на первая паки./ Мати Божия, убеди мя zde присесть и спасению своему внимати,/ да не, испад, погибну во веки.

Песнь 9

Ирмос: Ужасёся о сем Небо,/ и земли удивишася концы,/ яко Бог явился человеком плотски/ и чрево Твое бысть пространныйшее Небес/ Тем Тя, Богородицу,/ Ангелов и человек чиновачалия величают.

Удивляемся святому житию твоему, Симоне преблаженне,/ прославляем подвиги твои, чтим и память твою,/ юже ныне со Ангелы величаем.

Нижняя оставь, отошел еси к Вышним,/ тело же твое по желанию принесено от престола твоего в пещеру/ и показывает, любовь коликую имел еси к сему месту,/ на немже вси ты величаем.

Радуется пещера, содержащи мощи твои, святителю,/ и созывает иночествующих и празднлюбных соборы,/ да похвальными песнями память твою вси, собравшиеся в нынешний день, величают.

Отошел еси сам чувственне,/ но неотступне с нами память твою пребывает:/ се бо дети твои, любовь к тебе горяще,/ присно ты поминаем и величаем.

Богородичен: Неотступне с нами сущи, Пресвятая Дево,/ собравшиеся в память верного Твоего раба люди укрепи,/ леность отжени и разум просвети,/ да бодренно Ты и Сына Твоего вси величаем.

Светилен:

Богомудраго отца, словеса премудра написавша, восхвалим:/ честная бо его писания суть аки роса утренняя,/ сот сладкий, хлеб животный,/ нектар Небесный, источник воды живыи,/ от негоже пийи сладости духовныя исполняется/ и память твою прославляет, Симоне блаженнейший.

Слава, и ныне, Богородичен:

Источник неведомый,/ иже превыше небес, воды живыи произведши, Дево,/ напои мя, жаждущаго милости Твоея,/ да, прохлажден, славлю Тя.

На хвалитех стихир, глас 1.

Зритель священнотайный был еси, всеблаженне,/ в мире сем живый телом,/ представився же к жизни лучшей,/ самого Боговидения сподобился еси/ и зриши ясно Свет неприступный,/ Егоже и нас зрети достойны сотвори/ теплыми к Богу молитвами твоими.

Словесем твоим внимающий/ и наказанию твоему прилежащий,/ Симоне преподобне,/ пользу в житии познавают/ и полни являются исправления,/ духовная деяния приемлют/ и благодать почерпают

учёнием твоём,/ ѿмже обогати и нас,/ в днёшний день пáмьть твою хвалами почитающих.

Божественный орган Духа Святаго/ и трубú, проповедающую духовная исправления,/ Суждальскаго первоседателя, Симо́на священноглаго́льника/ **днесь**, лю́дие, пёсньми почт́им,/ клáняющеся ра́це мощёй егó:/ той бо ꙗко иерáрх и моли́твенник тёплый,/ предсто́я Престо́лу Влады́чню,/ мо́лится, во е́же спасти́ся нам.

Сла́ва, глас 6:

Свѣтлости жити́я твоегó/ и святите́льскому исправле́нию/ удиви́шася А́нгел и челове́к собо́ри,/ во избра́нии бо священнотайнник свѣ́ше показáлся еси́/ и по́стником зерца́ло изря́дное был еси́,/ те́мже ꙗко досто́йна ты служи́теля Бо́жия,/ Симо́не, святите́лю блаже́ннейший,/ любо́вию в пёснях велича́ем.

И ны́не, Богоро́дичен:

Богоро́дице, Ты еси́ лоза́ и́стинная;/ возрасти́вшая нам Плод живота́,/ Тебе́ мо́лимся:/ моли́ся, Влады́чице, со святы́ми апо́столы/ поми́ловати ду́ши на́ша.

Славосло́вие вели́кое и отпу́ст.

На Литурги́и служба́ святите́лю о́бща.

Моли́тва

О всехва́льный и всечестны́й архиере́ю, святите́лю Христо́в, преподо́бне и Богоно́сне о́тче Симо́не! При́зри с сво́йственным тебе́ благосёрдием от высóт Небе́сных, иде́же со А́нгелы и все́ми святы́ми Го́споду сла́вы предсто́иши, на нас, недостóйных и до́лу прекло́нных, смире́нных же и грёшных, притека́ющих к многомощному предста́тельству твоему́ с ве́рою, любо́вию и упова́нием. Простри́ моли́твенно преподо́бныя ру́це тво́я ко Го́споду и Влады́це и испроси́ от щедрода́тельная Егó благосты́ни оставле́ние согрешéний на́ших во́льных и нево́льных, пока́яние серде́чное, здра́вие душе́вное и теле́сное, жити́е ми́рное и безмяте́жное, возду́ха благорастворе́ние, земли́ плодонóсие, житёйских потре́б дово́льство, во всем благо́е поспешéние, и да не во зло обрати́м, да́руемая нам благáя, но во сла́ву пресвята́го Ёмене Егó и во спасéние на́ше. Ещѣ́ же, припада́юще, мо́лим тя: потщи́ся, благосёрде, предста́тельствovati ко Го́споду Человеколю́бцу, да изба́вит нас по вели́цей Своёй ми́лости от всяких бед и скорбе́й, от всяких недúгов и

болѣзней, от внезапныя смѣрти и от всех озлобленій, от всяких кóзней врагóв вѣдимых и невѣдимых и от всякаго зла; да укрепит в нас правую вѣру и благочестіе нелицемѣрное и да подаст нам сілы к борьбѣ со страстьми и похотьми нашими; да соблюдет нас от нечестивых и душепагубных учений неvěрія и суевѣрія, ѣмиже наветуется в нас святоотѣческая Православная вѣра, и да избавит нас от всяких прираженій дѹха, ѣже ныне дѣйствует в сынѣх противленія; да всадит в сердца наша дух смиренія и кротости, дух братолюбія и незлобія, дух терпѣнія и целомудрія, дух святѣя ревности о слáве Бóжией и спасеніи блѣжних; да прїзрит благоутрóбно на всяку дѹшу, трѣбующую благодатныя Егó мѣлости, и дарует по неизреченным щедрóтам Своегó человеколюбія болящим исцелѣние, скорбящим утешѣние, малодѹшным успокоѣние, унывающим ободрѣние, страждущим ослабу, бѣдствующим пóмощь, сірым покрóв, неприютным пристанище, обидимым защѣту, злослóвимым терпѣние, унижаемым великодѹшие, гонѣмым заступленіе, оклеветаемым оправданіе, и всем, во всяких нѹждах и злостраданіих сѹщим, душѣвную отраду и скóрее избавленіе. Ей, святче Бóжий, бѹди тѣплый молѣтвенник и прилѣжный ходáтай ко Гóсподу о всякой душѣ вѣрных твоѣх чтѣтелей, ѣщущих твоея пóмощи, да никтоже во упованіи своем на тя посрамлен бѹдет, но вси предстательством твоим да обрящут во всяких обстояніих благодать и мѣлость Всещѣдраго Бóга. Емѹже подобает всякая слáва, чѣсть и поклонѣние, ныне, и прїсно, и во вѣки вѣкóв. Амѣнь.